

反亂

隼人、大和十人、河內十二人、和泉七人、攝津十人、○異本廿人、丹波廿四人、伊勢七人

〔日本書紀七〕十二年七月，熊襲反之，不朝貢。十二月丁酉，議討熊襲。於是天皇詔群卿曰：朕聞之，襲

國有厚鹿文，迕鹿文者，是兩人。熊襲之渠帥者也。衆類甚多，是謂熊襲八十梟帥。其鋒不可當焉。少興師，則不堪滅賊。多動兵，是百姓之害。何不假鋒刃之威，坐平其國？時有一臣進曰：熊襲梟帥有二女，兄曰市

乾鹿文。乾此賦弟曰市鹿文。容既端正，心且雄武。宜示重幣，以撝納麾下。因以伺其消息。犯不意之處，則會

不血刃，賊必自敗。天皇詔可也。於是示幣，欺其二女而納幕下。天皇則通市乾鹿文而陽寵。時市乾鹿文奏于天皇曰：無愁熊襲之不服。妾有良謀，即令從一二兵於己，而返家以多設醇酒。令飲己父，乃醉而寐

也。市乾鹿文密斷父弦，爰從兵一人進殺熊襲梟帥。十三年五月，悉平襲國。因以居於高屋宮。已六年也。二十七年八月，熊襲亦反之，侵邊境不止。十月己酉，遣日本武尊，令擊熊襲。十二月，到於熊襲

國。因以伺其消息及地形之險易。時熊襲有魁帥者，名取石鹿文，亦曰川上梟帥。悉集親族而欲宴。於是日本武尊解髮作童女姿，以密伺川上梟帥之宴時。仍劔佩裊裏，入於川上梟帥之宴室。居女人之中。川

上梟帥感其童女容姿，則攜手同席，舉坏令飲而戲弄。于時也更深入闌。川上梟帥且被酒，於是日本武尊抽裊中之劔，刺川上梟帥之胸，未及之死。川上梟帥叩頭曰：且待之。吾有所言。時日本武尊留劔待之。

川上梟帥啓之曰：汝尊誰人也？對曰：吾是大足彥天皇之子也。名日本童男也。川上梟帥亦啓之曰：吾是國中之強力者也是。以當時諸人不勝我之威力，而無不從者。吾多遇武力矣。未有若皇子者。是以賤賊

○賊原作賤，陋口以奉尊號，若聽乎曰聽之。即啓曰：自今以後，號皇子。應稱日本武皇子。言訖，乃通胸而殺之。○中略。然後遣弟彥等，悉斬其黨類，無餘。噍。○噍原作唯。二十八年二月乙丑朔，日本武尊奏平熊

襲之狀曰：臣賴天皇之神靈，以兵一舉頓誅熊襲之魁帥者，悉平其國。是以西洲既謐，百姓無事。○下略〔先代舊事本紀十〕大隅國造